

佛說樓炭經卷第一

福一

西晉三藏法師法立共法炬譯

闇浮利品第一

聞如是一時佛遊於舍衛祇樹給孤獨園與大比丘衆千二百五十人俱爾時衆比丘飯已後會於講堂共說大地之事佛遙聞之出就堂坐問諸比丘屬何所議諸比丘言心有所疑今此天地云何而成至其然後云何破壞唯議此事願佛解說佛告諸比丘汝欲聞者諦聽受之諸比丘已唯然受教佛言如一

日月旋照四天下時爾所四千天下世界有千日月千須彌山王有四千天下四千大海水四千大龍宮四千大金翅鳥四千惡道四大惡道七千種種大樹八千種種大山萬種種大泥犁是名爲一小千世界如一小千世界爾所小千千世界是名爲中千世界爾所中千千世界是名爲三千大千世界悉燒成敗是爲一佛刹佛告比丘是地深六百八十萬俞旬其邊無限其地立水上其水深四百六十萬俞旬其邊際無有限其風持水其

風深二百三十萬俞旬其邊際無限其海深八百四十萬俞旬其邊際無崖底須彌山王入大海水八萬四千俞旬高亦八萬四千俞旬下狹上稍稍廣上正平種種含生類在上止悉滿無空缺處諸神亦在上止諸尊復尊天神悉在上居止忉利天宮在須彌山上過忉利天上有燄摩天過燄摩天有兜術天過兜術天上有尼摩天過尼摩天上有波羅尼蜜和耶越致天過是上天有梵迦夷天過是天上有魔天其宮廣長二十四萬里宮壁七

重七重欄楯七重交露七重行樹七重周帀皆以七寶綵畫妙好金銀水精瑠璃瑪瑙赤真珠碑礎金璧銀門銀壁金門瑠璃壁水精門水精壁瑠璃門赤真珠壁瑪瑙門瑪瑙壁赤真珠門碑礎壁一切衆寶門綵畫妙好皆以七寶作之插一金欄楯金柱狀銀桃銀欄楯銀柱狀金桃琉璃欄楯瑠璃柱狀水精桃水精
二欄楯水精柱狀琉璃桃赤真珠欄楯赤真珠柱狀瑪瑙桃瑪瑙欄楯瑪瑙柱狀赤真珠桃碑礎欄楯碑礎柱狀一切妙寶桃金交露者

銀垂銀交露者金垂琉璃交露者水精垂水
精交露者瑠璃垂赤真珠交露者瑪瑙垂瑪
瑙交露者赤真珠垂碑礫交露者一切寶垂
金樹金根金莖銀枝葉華實銀樹銀根銀莖
金枝葉華實瑠璃樹瑠璃根瑠璃莖水精枝
葉華實水精樹水精根水精莖瑠璃枝葉華
實赤真珠樹赤真根莖瑪瑙枝葉華實瑪
瑙樹者瑪瑙根莖赤真珠枝葉華實碑礫樹
者碑礫根莖一切寶枝葉華實綠畫殊好皆
以七寶金銀瑠璃水精亦真珠碑礫瑪瑙其

門上有曲廊蓋欄楯上有交露樓觀下有園
廬舍宅浴池生種種華樹種種葉種種華種
種實出種種香種種飛鳥各各悲鳴過魔天
上有梵迦夷天過梵迦夷天上有阿衛貨羅
天過是上有首反斤天過是上有比呼破天
過是上有無人想天過是上有阿卑和天過
是上有阿答和天過是上有須健旃天過是
上有須陀尸天過是上有阿迦尼吒天過是
上有天名阿竭禪天過是上有天名識知過
是上有天名阿因過是上有天名無有思想

亦不無想乃至其上有人生老病死往還不復過其上數佛言比丘須彌山王以四寶琉璃水精金銀作成之須彌山北有天下名巒單越廣長各四十萬里正四方須彌山王東有天下名弗于逮廣長各三十六萬里周匝正圓須彌山王西有天下名俱耶尼廣長各三十二萬里如半月形須彌山王南有天下名闍浮利廣長各二十八萬里南廣北狹須彌山王北脅天金照北方天下須彌山王東脅天銀照東方天下須彌山王西脅天水精

照西方天下須彌山王南脅天琉璃照南方天下北方天下有樹名銀莖園二百八十里高四千里枝葉分布二千里東方天下有大樹名條莖園二百八十里高四千里枝葉分布二千里俱耶尼天下有樹名斤莖園二百八十里高四千里枝葉分布二千里其樹上有石牛高四十里闍浮利天下有大樹名闍浮高四千里莖園二百八十里枝葉分布二千里金翅鳥王及龍有樹名駒利眼高四千里莖園二百八十里枝葉分布二千里阿須

倫有大樹名善晝過度高四千里莖圍二百八十里枝葉分布二千里忉利天有樹名晝度高四千里莖圍二百八十里枝葉分布二千里大海北有大樹名闍高四千里莖圍二百八十里枝葉分布二千里北方地空中有叢樹名菴廣長各二千里復有叢樹名闍破又有叢樹名多又有叢樹名那多又有叢樹名男又有叢樹名女又有叢樹名小兒又有叢樹名栢又有叢樹名旃檀又有叢樹名佉鉢又有叢樹名般柰又有叢樹名比羅又有

福一叢樹名大利又有叢樹名柰又有叢樹名安石榴又有叢樹名抄羅又有叢樹名波波又有叢樹名波隆又有叢樹名阿摩勒又有叢樹名呵梨勒又有叢樹名毗醯勒又有叢樹名筆又有叢樹名竹又有叢樹名施羅又有叢樹名舍羅間又有叢樹名瓜又有叢樹名大瓜又有叢樹名脫華又有叢樹名比羅又有叢樹名須女華又有叢樹名皮羅又有叢樹名和師又有叢樹名若夷又有叢樹名拔解又有叢樹名蒲萄凡此諸樹廣長各二千

里過是空地其空地中亦有優鉢華池二千里紅蓮華池二千里白蓮華池二千里黃蓮華池二千里青蓮華池二千里過是以地空其空地有海名鬱禪從東西流入大海其鬱禪海中見轉輪王跡知天下有轉輪王現遊行時跡鬱禪^五址有山名鬱禪茹佛語諸比丘其山甚樂殊好巍巍樹木生葉華實甚香畜獸飛鳥無所不有無與等者也佛言比丘其鬱禪茹山甚樂殊好巍巍過鬱禪茹山有山名須桓那鉢其山有八萬窟中有八萬象皆

在中止其象七日一食有六牙上廣下狹牙齒間悉金填過須桓那鉢山次有山名冬王甚高過億山上高四千里上有水名阿耨達廣長二千里其底沙皆金其水涼冷軟美且清以七寶金銀琉璃水精赤真珠碑礫瑪瑙作堅壘其四面起牆亦布底有七重欄楯七重行樹周帀圍遶七寶交露綵畫殊好阿耨達龍王水池四面有陞金陞銀桃銀陞金桃琉璃陞水精桃水精陞琉璃桃赤真珠陞瑪瑙桃瑪瑙陞赤真珠桃碑礫陞七寶桃陞上

有曲廊蓋皆有欄楯有交露樓觀其水中有青蓮華紅蓮華白蓮華黃蓮華華亦有火色者金色者青色者紅色者赤色者白色者周而大如車輪其莖大如車轂若刺其汁出如乳色其味如蜜阿耨達龍王宮在其水中宮名般闍鳩阿耨達龍王在中止其龍有何等寶何謂爲阿耨達龍過阿耨達龍天下餘諸龍王以三熱見燒阿耨達龍王不以三熱見燒復次天下諸餘龍王過阿耨達龍王餘龍王熱沙兩身上燒炙焦皮焦皮已燒膚燒膚

已燒筋燒筋已燒骨燒骨已燒髓燒炙甚毒痛過阿耨達龍王餘龍王皆見熱阿耨達龍王獨不熱是故名爲阿耨達是爲第一事復次天下過阿耨達龍王餘龍王起淫欲事相向時熱風來吹其身焦龍身即失天顏色得地身便恐不喜天下諸所龍王過阿耨達龍王諸龍王得熱阿耨達龍王獨無熱是故名爲阿耨達是爲二事復次天下諸龍王過阿耨達龍王餘龍王諸金翅鳥王悉入其宮悉恐怖取食之若金翅鳥自念欲入阿耨達龍

王宮適念是便自得無央數災變及其身過
阿耨達龍王天下餘龍王皆見是毒熱阿耨
達龍王獨不見熱是故名阿耨達是爲三事
以三事故名爲阿耨達阿耨達龍王東有大
流江下行一江有五百部河繞阿耨達龍王
東流入大海阿耨達龍王南有大江名和叉
有五百部河遶阿耨達龍王流入南大海阿
耨達龍王西有大江名信陀有五百部河流
遶阿耨達龍王流入西大海阿耨達龍王北
有大江名斯頭有五百部河流遶阿耨達龍

王入北海冬王山南有國名維地離維地離
北有七黑山七黑山北有七仙人婆羅門在
中止一者名機機榆二者名施泥梨三者名
鬱單四者名禪五者名加蛇六者名優多羅
七者名波波頭有山名和曇摩過七仙人婆
羅門北有山名乾陀摩訶衍中有兩窟一者
精一名畫二者名善畫以七寶作之金銀琉璃水
精赤真珠碑礫瑪瑙細軟如繡衣畫善畫窟
北有樹王名善住有八千樹王圍遶之善住
王樹下有象王名善住在下止有八千象周

市圍遠之善住王樹址有浴池名摩那摩以
七寶金銀水精瑠璃赤真珠碑磲瑪瑙作整
壘之邊有八千浴池周市圍遠其水皆涼美
軟且清其水底沙皆金以七寶金銀水精瑠
璃赤真珠碑磲瑪瑙作七重欄楯七重交露
七重行樹周市圍遠其池甚妙好金欄楯者
金柱狀銀柱狀銀欄楯者銀柱狀金柱狀瑠璃欄
楯者瑠璃柱狀水精柱狀水精欄楯者水精柱
狀瑠璃柱狀赤真珠欄楯者赤真珠柱狀瑪瑙
柱瑪瑙欄楯者瑪瑙柱狀赤真珠柱狀碑磲欄

楯者碑磲柱狀一切寶枕金交露者銀垂絡
銀交露者金垂絡瑠璃交露者水精垂絡水
精交露者瑠璃垂絡赤真珠交露者瑪瑙垂
絡瑪瑙交露者赤真珠垂絡碑磲交露者一
切寶垂絡皆七寶作甚殊好金樹者金根莖
銀枝葉華實銀樹者銀根莖金枝葉華實瑠
璃樹者瑠璃根莖水精枝葉華實水精樹者
水精根莖瑠璃枝葉華實赤真珠樹者赤真
珠根莖瑪瑙枝葉華實瑪瑙樹者瑪瑙根莖
赤真珠枝葉華實碑磲樹者碑磲根莖一切

寶枝葉華實以七寶作皆殊好摩那摩池周
市四面以七寶金銀水精琉璃赤真珠碑礎
瑪瑙雜作畦金桃銀陸銀桃金陸水精陸瑞
琉璃桃琉璃陸水精桃赤真珠陸瑪瑙桃瑪瑙
陸赤真珠桃碑礎陸一切寶枕以七寶作甚
福一殊好陸上有曲廂蓋欄楯上有交露樓觀下
有園觀舍宅有浴池樹生種種華種種寶出
種種香中有種種飛鳥相和悲鳴摩那摩池
中有青蓮華黃蓮華白蓮華赤蓮華中有紅
色者金色者青色者黃色者赤色者白色者

種種雜色者其華大周市如車輪其莖周市
如車轂其華斷者出其汁如乳其味如蜜善
住象王念欲入池中洗浴相娛樂時即念八
千象王爾時八千象王言善住象王以念我
等即共往至善住象王所在前住時善住象
王與八千象王俱往至摩那摩池諸象中有
爲王持蓋者中有扇者周市圍遶中有含血
名機那在前歌舞作妓樂時善住象王至摩
那摩池中洗浴作妓樂相娛樂中有象爲王
洗鼻口者中有洗牙齒者中有洗頭者中有

洗背者中有洗腹者中有洗髀者中有洗膝者中有洗足者中有洗尾者中有拔華根洗之以與王食者中有以青蓮華黃蓮華赤蓮華白蓮華以鼻麁持散象王頭上者爾時善住象王洗浴相娛樂飲食已便還至善住樹下其八千象王各入其池洗浴作妓樂相娛樂飲食已便還至善住象王所爾時善住象王與八千象王俱前後圍遶還至善住樹下中有爲象王持蓋者中有扇者在前作妓樂歌舞至善住樹間象王從意卧起行步

福一九其餘八千象各各亦隨意在樹間卧起行步從意所欲諸八千象樹中有圍四丈九尺中有樹圍五丈六尺中有樹圍六丈三尺中有樹圍七丈七尺中有樹圍八丈四尺中有樹圍九丈一尺中有樹圍九丈八尺中有樹圍十丈五尺中有樹圍十一丈二尺善住象王樹莖圍十丈九尺是八千樹枝葉墮落時風便吹著外其八千象王大小便時諸鬼神便除著外佛言比丘善住象王威神尊巍巍乃如是畜生含血之類迺有此也

鬱單越品第二

佛語比丘鬱單越天下周市廣長各四十萬里北方天下有種種山無央數其河兩邊有種種樹河水徐行有種種華水中聚流河兩邊有船綠畫姝好以四寶金銀琉璃水精作之北方天下中央有浴池名鬱難陀廣長四千里其水涼軟且清有七重壁水底沙皆金難陀浴池周市四面有陛以四寶金銀琉璃水精作之金陞銀桃銀陞金桃琉璃陞水精桃水精陞琉璃桃難陀池中有青蓮華黃蓮

華白蓮華赤蓮華中有紅色者金色者青色者黃色者赤色者白色者周市參行其華若斷者出其汁如乳其味如蜜光照四十里其香亦聞四十里難陀浴池東有河名巴味難陀浴池南有河名修竭難陀浴池西有流河名大士難陀浴池北有流河名善種是諸河水皆徐行中有聚流行華河兩邊有種種樹以金銀琉璃水精作河兩邊際難陀浴池東有園名賢上有七重欄楯七重交露七重行樹周市圍遶以四寶作之姝好金銀水精瑠

琉璃賢上園中有香樹生香華寶擘裂者出種
種香有擣香樹生華實寶摩者出種種香有
衣被樹有瓔珞樹有不息樹有生華寶若摩
者出種種衣被種種瓔珞出種種不息有果
樹器樹音樂樹生華寶實壁者出種種器種
種果種種音樂樹高七里有高六里五里者
四里三里二里最卑者高一里難陀浴池南
有園觀名與賢有七重欄楯七重交露七重行樹
行樹周匝圍遠以四寶作之中有香樹擣香
樹衣被樹瓔珞樹不息樹器樹樹皆有華寶

實壁者各各出種種香擣香衣被瓔珞不息
器果種種音樂樹最小者高十里二十里四
十里上至七十里難陀浴池西有園觀名羅
越以四寶作七重欄楯七重交露七重行樹
周匝圍遠諸樹所出生高卑亦如東方園難
陀浴池北有園觀名常有華亦以四寶金銀
一水精瑠璃作七重欄楯七重交露七重行樹
周匝圍遠諸樹所出生高卑亦如東面園北
方天下有樹曲合如交露北方天下人在下
卧起男女各異處有淨潔粳米不耕種自然

生出一切味欲飯者取淨粳米炊之有珠名
燄味著金下光出熟飯四方人來悉共食之
食竟亦不盡無盜賊惡人無言我妻子不田
作者飯已面色潤澤有威神男子女人若欲
嬉誤意起相視無所語男子便在前行女人
隨後行至園觀入中共相娛樂二三日若至
七日各自隨意罷去不相屬也女人懷妊七
日八日便生若男若女便持著四徽道中若
有人從東西南北來者與指吮出乳飲是七
日已自以福德即長大譬如閻浮利人年二

十若二十五時北方天下周市四方有水名
阿耨達後夜起雲天雨八味水如人飲食頃
洗浴北方天下淹塵塵不復起譬如酥油塗
地塵不起北方天下亦如是地塵不起譬如
不息工師若不息工師弟子以種種華結作
不息左手持之右手以水洗不息無塵北方
天下如是地不起塵常有流水生草樹常有
葉華實中有草青譬如孔雀翅色其香如栴
檀香足踏上即陷四寸舉足還復如故北方
天下人欲至賢上園觀中遊戲相娛樂即去

乘船至岸邊脫衣沐浴相娛樂已便棄船度河往至香樹間取香塗身至衣被樹間取衣著至不息樹間瓔珞樹間器樹果樹間音樂樹間取瓔珞不息著之取器音樂便往至賢上園觀熟時亂風吹掃賢上園觀地伊蘭風

福一

十二

至吹落華墮地至人膝時北方天下人悉入賢上園觀中遊戲相娛樂二三日至七日以後各自罷去隨意無所繫屬亦復至與賢上園觀羅越常有華園觀亦如是北方天下人欲飯時取淨潔粳米炊之以炎味珠光炊其

下熟飯東方西方南方北方若有人來至其所者皆飯食之其飯亦不盡至人食之已北方天下人有樹名象兜交曲上合如交露人民在上止宿男女各異處北方天下人通齒髮紺青色長八丈人民面色同等長短亦等女人亦如是是人民悉行十善事不復相教作惡行也皆壽千歲無缺減者死後有生忉利天上者有生梵摩天上者有生兜術天上者有生尼摩羅天上者有生波羅尼塞天上者天上壽盡下生閻浮利天下人間即生大

豪貴家若婆羅門大長者家北方天下人大

小便時勞沒地中其地清潔無有聚糞臭處
此方天下人男子女人死時好爲衣被莊嚴
不啼哭取著四徼道中有鳥名鬱遮舉取死
人著此方天下外何以故名爲鬱單越鬱單

越天下勝是福一十三天下復最上是故名爲鬱單
越復次鬱單越天下人食淨潔粳米無有盜
賊無有惡者無言我妻子無言我子顏色甚
好有威神無短命者死以後生善處是故名

鬱單越也

轉輪王品第三

佛語諸比丘世間有轉輪王時自然生七寶
有四德何等爲七一者金輪寶二者白象寶
三者紺色馬寶四者明月珠寶五者玉女寶
六者主藏聖臣寶七者導道聖臣寶轉輪王
其金輪何等類王以十五日月滿時沐浴於
高觀上與殊女共坐見東方有自然天金輪
來有千輻皆完具悉以天金所成高一丈四
尺王見以自念言我從先聖聞若王十五日
月滿沐浴上高觀與殊女俱坐見東方有自

然金輪者即得作轉輪王王自念欲試天金輪爾時轉輪王便試天金輪即便會四部兵往至天金輪所整衣服長跪又手持右手指金輪使東飛金輪即東飛轉輪王即與四部兵及家室親屬悉隨之飛四天王天上諸天皆亦在金輪前飛行金輪所至止處轉輪王便與四部兵家室親屬皆止宿其中爾時東方弗于逮諸王以金鉢盛滿銀粟銀鉢盛滿金粟共往至轉輪王所白言大王來大善東方諸城國界富樂熾盛安隱五穀豐熟人民

衆多珍寶衆多工巧者饒明月珠玉珊瑚白象馬牛羊奴婢米穀豐饒倉庫儲滿願大王止此我等承受其教令轉輪王便告諸王言諸賢等各自治國以正法莫行非法諸賢等但莫教殺生莫盜竊莫犯人婦女莫妄語罵詈惡口兩舌莫念惡當念慈心爲正見奉行

第一

十四

如是如是者則爲受我教爾時諸小王持國界奉上轉輪王轉輪王即往案行東方諸國於其中止頃無央數歲相娛樂快樂飲食得東海內悉屬已便還南方閭浮利天下王降

服亦如是復與家室親屬及四部兵金輪在前飛行復至西方俱耶尼亦如是復至北方營單越天下亦如是四天王上諸天皆在金輪前飛金輪所至到止處轉輪王便與家室親屬四部兵止頓其中爾時北方諸小王以金鉢盛滿銀粟以銀鉢盛滿金粟共往至轉輪王所白言大王來大善北方諸城國界富樂熾盛安隱五穀豐熟人民珍寶衆多工巧者饒明月珠玉琉璃象馬牛羊奴婢米穀豐饒倉庫儲滿願大王止此我等承受其教轉

輪王便告諸小王言賢等各自治國以正法莫行非法賢等莫殺生莫盜竊莫犯人婦女莫妄語罵詈惡口兩舌莫念人惡當念慈心爲正見奉行如是者則爲受我教爾時諸小王持國界奉上轉輪王轉輪王案行北方諸國於其中止頓無央數歲相娛樂快樂飲食得止海內悉屬已便與家室親屬及四部兵還閭浮利天下威神更巍巍其金輪王爾時便量度東西長四百八十里南北廣二百八十里諸天爲轉輪王造起城壁七重七重欄

楯七重交露七重行樹周帯圍遶綠畫殊好
皆以七寶金銀水精瑠璃赤真珠碑礫瑪瑙
更互相成金壁者銀門銀壁者金門瑠璃壁
者水精門水精壁者瑠璃門赤真珠壁者瑪
瑙門瑪瑙壁者赤真珠門碑礪壁者一切寶
門城周帯四方有門金欄楯者金柱狀銀桃
銀欄楯者銀柱狀金桃瑠璃欄楯者瑠璃柱
狀水精桃水精欄楯者水精柱狀瑠璃桃赤
真珠欄楯者赤真珠柱狀瑪瑙桃瑪瑙欄楯
者瑪瑙柱狀赤真珠桃碑礪欄楯者碑礪柱

狀一切寶桃金交露者銀垂絡銀交露者金
垂絡瑠璃交露者水精垂絡水精交露者瑠
璃垂絡赤真珠交露者瑪瑙垂絡瑪瑙交露
者赤真珠垂絡碑礪交露者一切寶垂絡復
以七寶作樹甚殊好金樹者金根金莖銀枝
葉華實銀樹者銀根莖金枝葉華實瑠璃樹
者瑠璃根莖水精枝葉華實水精樹者水精
根莖瑠璃枝葉華實赤真珠樹者赤真珠根
莖瑪瑙枝葉華實瑪瑙樹者瑪瑙根莖赤真
珠枝葉華實碑礪樹者碑礪根莖一切寶枝

葉華實門上有曲廂蓋交露有樓觀邊有園觀舍宅浴池中有種種樹種種葉種種華種種實出種種香種種飛鳥相和而鳴其城姝好威神巍巍金輪便止城中度量東西八十里南北四十里爾時諸天爲轉輪王以七寶作宮殿壁七重七寶欄楯七重七寶交露七重七寶行樹七重周下圍遶七重門上有曲廂蓋交露有樓觀下有園觀浴池種種樹種種葉種種華實種種飛鳥相和而鳴造起轉輪王宮殿已金輪便立宮門前虛空中爾時

福一

十六

轉輪王甚歡喜踊躍言以爲我自然金輪寶今我以爲作轉輪王乎佛言轉輪王有自然金輪寶如是轉輪王有白象寶何類轉輪王明日與諸臣共會參議時即自然有白象在前現皆白身體完具能飛行端正頭赤有六牙上麤下細牙如畫間金色轉輪王見已念言此象若可調者便當爲賢善則與調象師使調適一反調便調善最如調善畜爾時轉輪王欲試白象寶便使會四部兵被白象莊嚴已騎白象日出便出宮門飛行遶四海內

即時還宮坐相娛樂爾時轉輪王甚大歡喜
踊躍言以爲我自然白象寶今我以作轉輪
王轉輪王自然有白象寶如是轉輪王有紺
色馬寶何等類轉輪王明日與左右共參議
福一
時見自然紺色馬在前其馬身青毛衣滑澤
十七
頭黑轉輪王自念言若調此馬者便當妙好
則與馬師使調即時調好最如賢善馬爾時
轉輪王欲自試紺色馬寶即使會四部兵被
已騎日未出便出宮門則與四部兵飛行遠
四海內即日還宮坐相娛樂甚歡喜踊躍言

以爲我自然紺色馬寶今我以爲作轉輪王
轉輪王有紺色馬寶如是轉輪王有明月珠
寶者何等類轉輪王明日與諸臣共坐參議
時見有自然明月珠寶在前其珠青瑠璃色
八方滑澤好清潔有光明照曜轉輪王見已
自念言如此珠照我後宮中懸者爲殊好爾
時轉輪王欲自試明月珠寶便使會四部兵
持珠著幢頭夜從宮門出與四部兵爾時明
月珠寶光照諸長者婆羅門家令起作使奴
婢販賣市井謂爲日出其珠照四部兵明出

宮四十里飛行遠四海內即夜還宮坐甚歡喜踊躍言以爲我自然明月珠寶今我以作轉輪王轉輪王有明月珠寶如是轉輪王有玉女寶者何等類轉輪王明日與諸大臣叅議時有自然玉女寶在前見端正姝好面色無比亦不長不短不肥不瘦不白不黑冬時身則溫夏時身則涼身體諸毛孔皆栴檀香口出蓮華香轉輪王甚愛重之意不起姪欲向他人何況當復身行爾時轉輪王甚歡喜踊躍言以爲我自然玉女寶今以作轉輪王

轉輪王有玉女寶如是轉輪王有主藏聖臣寶何等數轉輪王明日坐叅議時見主藏聖臣寶在前解慧曉事至誠往至轉輪王所白言轉輪王所欲求索者我當爲王辦之王但自安隱坐轉輪王欲試主藏聖臣寶便會四部兵乘船入水告主藏聖臣我欲得金銀珍寶汝當與我主藏聖臣白轉輪王言度水已隨王所欲即當得之王言今當於此用之疾福一十六與我金銀珍寶度水已我不用主藏聖臣聞受其教正衣服船上長跪右手撓水以器抄

金銀珍寶譬如蟲著樹諸金銀珍寶器著手
如是爾時主藏聖臣持衆珍寶著船上白轉
輪王言欲得幾許金銀珍寶今當與王轉輪
王告主藏聖臣言我所有金銀珍寶甚衆多
但欲試卿耳主藏聖臣聞已便還持金銀珍
寶著水中爾時轉輪王甚歡喜踊躍言以爲
我自然主藏聖臣寶今我以作轉輪王轉輪
王有主藏聖臣寶如是轉輪王有兵臣寶何
等類轉輪王明日坐叅議時見有兵臣在前
解慧勇猛曉事往至轉輪王所白轉輪王言

王所欲爲作我當爲辦王但安坐莫憂爾時
轉輪王欲試兵臣便會四部兵告兵臣寶言
不曉兵法者教令曉之已曉者教令重知不
曉住者教令知住不曉騎乘弓馬者教令知
兵門寶即受教皆教諸兵轉輪王甚歡喜踊
躍言以爲我自然兵臣寶我今以爲轉輪王
補一十九
轉輪王有兵臣寶如是佛言轉輪王有七寶
如是佛言轉輪王有四德云何爲四德一者
大富珍寶田宅奴婢珠玉象馬工巧者衆多
天下人富無有如轉輪王者是轉輪王第一

德二者轉輪王最端正姝好顏色無比天下人端正姝好無有如轉輪王者是轉輪王第二德三者轉輪王常安隱無疾病身常等亦不寒亦不熱適其意諸所飲食皆安隱天下人無有如轉輪王無疾病者是爲轉輪王第三德四者轉輪王常安隱長壽天下人無有常安隱長壽如轉輪王者是爲轉輪王第四德轉輪王有七寶及四德如是轉輪王以正法行爲正見不轉善見行十善事教諸小國王傍臣左右人民奉行十善事轉輪王愛念

諸郡國人民如父愛子諸郡國人民愛敬轉輪王如子愛父轉輪王治天下閭浮利地平正無有高下無有棘刺無有毒獸蟲蟻無有山陵谿谷無有礫石地但有棄捐金銀明月珠玉琉璃琥珀水精碑礫瑪瑙珊瑚轉輪王天下治國時富樂安隱熾盛五穀豐熟人民衆多佛語比丘轉輪王治國時天下有八萬郡國聚落居鷄鳴展轉相聞轉輪王治國時天下常遍有水草木常有青樹木常有葉華實其地草葉周而分布色如孔雀毛其香如

華香足踏上滅四寸入地舉足還復如故地
草又無四寸空缺處有香樹常生華實破其
實出種種香有衣被樹出華實及種種衣被
有珠寶瓔珞樹出華實破中有無央數種種
珠寶瓔珞有不息華樹出華實破中有種種
不息有果樹常生華實破中有種種果有器
樹生華實破中有種種器妓樂樹生華實破
中有種種音樂轉輪王治國時是天下閭浮
利不耕種米穀稻糧皆自然生淨潔無穢出
其味有種種甘轉輪王臨壽終時身不甚痛

福一

二十

譬如習樂人大食腹不甚痛轉輪王臨壽終
時身體痛如是轉輪王命過以後金輪白象
寶便滅去紺色馬明月珠寶亦沒去玉女寶
主藏聖臣寶道聖臣寶便沐浴轉輪王身
以綿纏身復以五百張白氈纏身著鐵棺中
以酥灌其上滿以蓋覆之以釘釘之出轉輪
王棺衆人共作妓樂歌舞出著城外積一切
香薪持轉輪王棺著上便放火耶維燒已玉
荅寶主藏聖臣導道聖臣寶共收骨以七寶
女四徼道中起塔高四十里廣長四十里周

市起牆廣長二百里以七寶金銀水精琉璃
赤真珠碑礎瑪瑙作七重欄楯七重交露七
重行樹周市圍遠甚殊好其從四方來禮轉
輪王行法起塔皆得無數福爾時玉女寶主
藏聖臣寶道_一聖臣寶爲轉輪王起塔已便
布施饑者與食渴者與漿欲得衣者與衣欲
得香薰華者與香薰華欲得財物牛羊者與
之其後玉女寶主藏聖臣寶道聖臣寶皆
命過

佛說樓炭經卷第一

音釋

牀房六杖古黃建都計脅虛業炎失冉
切蘇未輶而究切擊古歷切未疊刀輶切陞
切部_一筋舉欣繻汝朱切穀古祿切輶髀部
切股擣都皓切擘博陌切徵古弔切吮_一
也_一擣_一森也_一擘_一博陌切徵_一古弔切吮_一
切攢_一磅_一普擊切輶_一方六切儲直魚切
也_一罵_一莫駕切置_一畜_一積也_一竊_一
也_一罵_一莫駕切置_一畜_一積也_一竊_一